



UPA 2015/ 77
20. maj 2015
Agathe Fontain

**Nunatta Karsiata 2014-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.
(Aningaasaqarnermut Aatsitassanullu Naalakkersuisoq)**

2014 –mut Nunatta Karsiata natsorsuutai pilersaarutit malillugit Ingerlatsineranut Sanaartornermullu aningaasanut inatsisissaq 2014-mut naammassineqarmat, pilersaarutaasimagaluartoq , ilassutitut akuerineqartut ilanngullugit 24 mio. kr-nik sinneqatoortussa, naatsorsuutit naammassineqarmata 222mio. kr-nik amigartooruteqarpoq. 2014 namminersorlutik ingerlatsisut akornanni aningaasarsiorneq ukiunut siuliinut sanilliullugu anikkinnerusoq, Naalakkersuisut akissuteqaataanni atuarsinnaavarput.

Sanaartugassat 2013-mi 773 mio. kr usimasut 2014-mi annikkilerujussuarsimapput 396mio kr.nut. 2011-mi 1 mia .kr angullugit sanaartotoqarsimammat sanaartugassanut aningaasartuutit suli annikilliarorsimanerat imaannaanngeqaaq. Nalunngilarpummi tamatta, sanaartugassat sinerissamut qanoq isumaqartigisartut. Naalakkersusiup sanaartugassanut iluarsaaqqinnermullu tunngasunut nassuiaatissaa 2014-mut pissangalluta utaaqivarput, ilami aamma suli 2013-moortoq takunngilarput. Inatsisartullu UPA-mi ataatsimiinnerat naammassingajalermat.

Aalisarnermit isumalluutit akileraarusersuinermit isertitat aatsaat taamak qaffasitsigisut Naalakkersuisut oqaatigat. Sinerissap qanittuani aalisarnermik pisariillisaaneq aalisakkanillu nutaanik iluatsilluartumik pisassaqrneq peqqutaallutinngooq.

Eqqarsarianartoq, "qanorli piaartumik aalisakkanik nutaanik aalisarsinnaaneq , kinguarsarneqanngitsumik aallartittaraluarutsigu." Ilikkarsinnaanngitsutut pissuseqarluta ukiut tamaasa kinguarsaaqaarluta, kingoqqutsitallalluta aalisagartassanik agguasaarneq upernaat tamaasa pitinnagu.

Inuit Ataqatigiinniit ingerlatsisimaneranut tunngasuni makku maluginiarsimavagut:
2014-mi Peqqinnisaqarfimmi 23 mio. kr atunngitsoorneqarsimapput .
Nassuiaatinilu nassuiarneqapoq: Suliffissaaleqinerup annikillisarniarlugu

immikkut ittumik nutarterilluni suliassanut aningaasassat siuartinneqarnerat aqcutigalugu 12,7 mio kr ilassutitut aningaasaliissutigineqarput. Tamaalilluni ukiumut aningaasaliissutit iluarsineqartut 1.318.432.000 kr.-upput. Taava ilumut suliffissaaleqinermut akiuiniarneq tassani aqqissimanersoq Kukkunersuinermit ataatsimiititaliamut misissorluarneqarnissa innersuusutigissavarput.

Nassuiaatinilu ilaavoq vikar-nik atuineq alliarthoqqilersimasoq. 2009-miit vikarinik atuineq ilungersorluta millisarniarsarisimavarput, iluatikkaluarlunilu. Paasiniarneqartariaqarpoq allanguut suusimanersoq, sunalu peqqutaasimanersoq.

34.11.04

Kalaallit Peqqissartut Angerlarsimaffiani 2,4 mio kr atunngitsoorneqarsimapput. Atuinikkinneq kiffaartuusinerup uninngasut ikinnerunerisaanik annikinnerusimanera peqqutaalluni aammalu Angerlasimaffiusimasup atorunnaartup kingunerani akiliutikillineq. Taassuma atakutippaa, pitsaangorsaanernut Inatsartunut ilaasortanit siunnersuutigeqartartut akissaqartinneqarsinnaasut, akuerineqarunik.

34.11.05

Naasuaammittaaq eqqaaneqarpoq najugaq qimallugu Katsorsartinnermi, kommunit angalanermut aningaasartuutiminnik matussuserniarlugit qinnuteqarsinnaatitaanertik atunngitsuuisimaneraniit pissuteqartoq. Aningassat 538 t/kr nalinginut. Inuit Ataqtigiiinnit kaammattuutigissavarput, aqqissuusineq qinnuteqaqattaarnernik piumasaqarfiusoq iluarseqqullugu, kommunit pisinnaatitaafigisaannik tunineqartarniarlik. Allaffisornersuaq qinnuteqaqquseqqaartarneq qimallugu, tassa aatsaat allaffisornermik taaneqarsinnaasoq, pisariillisaasussaqaarniarli!

34.12.02

Peqqinnisaqarfimmi ilinniartitaanerup pulje-at iluanni atuinngitsoonerit annertupput. Inuit Ataqtigiiinniit Peqqinnisaqarfimmi ilinniarsimasunik assigiinngitsunik amigaateqartuarpugut. Ilinniartitaanikkut puljeni atugassat sapinngisaq tamaat atorneqartarnissaat pimoorullugu isumagineqartarnissaat sakkortuumik innersuusutigaarput. Tamatta oqaluppugut ilinniartitaanikkut suliffissaaleqisut ikileriartinniarlugit.

40.91.03

Ilinniartitaanermi Naalakkersuisoqarfimmiit nassuiaatini oqaatigineqarpoq pikkorissartitsinermit kontomi, piginnaangorsaqqinnermut ukiuni kingullerni atuinikitarneq pissutigalugu, konto 5 mio.kr-nik 2015-mut ikilisaaffigineqartoq. Inuit Ataqtigiiit PKU-aqcutigalugu pikkorissaasnerit sooq atornikipallaarnerinik Kukkunersuinermit ataatsimiititaliaq misissuilluarnissaa kissaatigissavarput. Ilinniarsimassutikkut pikkorissarnerit qaffaassaataasut pisariaqarteqigatsigit.

64.13.21

Revalidering- sulisinnaangorteqqiinnermik siunertalik 1,477 mio. kr-nik kommunet aallartitsinissaminnut nukissaqanngippallaarneri peqqutaatinneqarput. Sulisunik pikkorissaanerit ingerlanneqarnerarput isumaqalluarfigineqarlutik. Ilumummi isumalluarfigisariaqassavagut, nalunngilarpummi sulii amerlanerungaartunik suliaasaqalersut, tassani pivara Siusinaarluni Pensionisallit Aaqqissusseqqinissamut inuit 600 ikinnerunngitsut suliaasaannut ailannguttussaapput.

Kukkunersiuiinnermut ataatsimiititaliaq sulilluarnissaanik kissaallugu, taakkuugallarput oqaatigerusutagut.